

VaksdalPosten

Pb 50

5721 Dalekvam

Org.nr. 945 551 453

Søknad om støtte frå kompensasjonsordning 2021

VaksdalPosten søker med dette om 60.000 kroner i tilskot for kompensasjonsordning for lokale verksemdar 2021.

VaksdalPosten AS vart etablert i 1987, og er ei bedrift med 4 tilsette og ein årleg omsetnad på rundt 4 millionar.

Avisa har inntekter frå annonser, abonnement og pressestøtte.

Dei viktige annonseinntektene har blitt vesentleg reduserte sidan mars 2020, då pandemien førte til nedstengingar i samfunnet.

Utviklinga har halde fram i 2021. Dei tre første månadene i år har gitt ein nedgang på om lag 96.000,- samanlikna med 2020. Dette tilsvarar ein nedgang på om lag 27 % frå året før.

Ser ein berre på januar og februar var nedgangen i 2021 samanlikna med 2020 42 %.

I 2020 fekk VaksdalPosten fleire tilskot frå kompensasjonsordningar:

VP fekk 60.000 kroner i tilskot frå statens ordning for koronamidlar til næringslivet, fordelt av kommunen. Dette gjekk til produksjon av ei næringsavis med fokus på bedriftene i Vaksdal, der ein prøvde å løfta det lokale næringsliv og oppmoda til lokal handel. Same bodskap hadde ein annonsekampanje i VP i regi av Vaksdal Næringsråd.

VaksdalPosten fekk også ein del av kompensasjonsordninga til redaktørstyrte medier, fordelt av Medietilsynet. Her fekk VP her ein koronakompensasjon på 198.000 kroner.

Dette, saman med andre ekstraordinære inntekter, berga økonomien i VP i 2020. Ei anna viktig årsak var at staten auka produksjonsstøtta til lokalavisene i 2020, uavhengig av koronapandemien, noko som medførte at VP i 2020 fekk ein auke på 300.000 kroner i statleg støtte.

VaksdalPosten kom bra ut av koronaåret 2020 takka vera ekstraordinære inntekter, men forutan produksjonsstøtta (pressestøtta) som vart auka, var dei andre tilskota i 2020 eingongs-inntekter.

Første del av 2021 har ikkje vist teikn på betring for annonsemarknaden. Hå lokalt næringsliv sit ikkje annonsekronene laust i ei utfordrande tid, og arrangementsstopp og lite aktivitet i det frivillige lagslivet gjev markant mindre inntekter for VP.

Daledagane er avlyste for andre året på rad. Nesten sidan starten av Daledagane har VP laga Daledagsavisa på oppdrag for Daledagsnemnda. Dette har gjeve kring 60.000 kroner i årleg inntekt. Dette er altså eit direkte inntektsbortfall som ein konsekvens av statlege smittevernreglar.

VaksdalPosten søker med dette om 60.000 kroner i støtte frå koronamidlane for å delvis kompensera for bortfall av annonseinntekter fram til no i 2021, og til delvis bortfall av inntekter knytt til Daledagsavisa 2021.

Me tillet oss å minna om at ei lokalavis er viktig når det gjeld informasjon til innbyggjarane i ei pandemitid, og er ein viktig faktor for lokaldemokratiet.